



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniae Agrippinae, 1712**

Q. 289. Quid addendum sit circa illos, qui obligantur sigillo.

**urn:nbn:de:hbz:466:1-42433**

confessionem, non secus ac alia facta, quæ pœnitens de se narrat: cavendum tamen scandalum & offensio pœnitentis.

§. 3. Si complex peccata complicitis absque necessitate manifestet Confessario, De La Cruce dicit non esse materiam sigilli, quia est res ad confessionem impertinens, sed probabilius contradicunt Suar. Aversa, Mendo diff. 10. n. 120. 148. quia dictum est ex intrinseca occasione confessionis & velut aliquid ad eam aliquatiter spectans, imò sæpe fiet, ut occasione revelari peccati complicitis veniri possit in notitiam peccati pœnitentis.

§. 4. Peccata, quæ acatholicus dicit Prædicanti, intendens ut Deus illa tegat, non sunt materia sigilli, quia sic confitens non credit pœnitentiam esse Sacramentum, nec peccata esse materiam absolutionis Stoz n. 221. Gob. tamen n. 785. rectè dicit, si sperarit absolutionem sacramentalem à Prædicante, hunc teneri sigillo.

Q. 289. Quid addendum sit circa illos, qui obligantur sigillo. R. In genere illi omnes obligantur, ad quos notitia rei sigillo clausæ pervenit, sive immediatè sive mediatè, sive licitè sive illicitè: hinc

§. 1. Obligatur superior, cui pœnitens vel alius manifestavit reservatum, etiamsi pro absolutione remittat ad alium Confessarium, Suar. Fagund. Lugo, Dicast. d. 11. n. 323. dicens esse certum, Stoz l. 2. n. 26. Aversa q. 18. f. 5. contra Vasq. Cón. & alios.

§. 2. Etiam obligatur interpret, per quem volui confiteri, quamvis postea non confitear, S. Th. Sot. Suar. & alii cum Aversa & Stoz n.

212. contra *Cajer. Sor. & alios*. Item qui per  
examen me disponit ad confessionem. Item  
cui me aperio hodie, ut me dirigat pro confes-  
sione crastina. Item si ignarus linguæ petam ab  
aliquo, quid significet tale peccatum, ut confite-  
ri possim, *Stoz contra Con.* Item cui dico me  
velle confiteri, & propterea illum consulo, ut  
aut quomodo hoc vel illud teneam confite-  
ri, quamvis non illi sed alteri confiteri velim, *Fa-  
gund. Dian. Stoz n. 213. 261. Gorm. p. 2. n. 484.*  
contra *Suar. Henriq. Aversam, Illf. n. 263.* qui  
negant, si velim confiteri alteri. Item teneam  
cui ego, jam non potens scribere, dictavi mea  
peccata, postea ex ipsius scripto confessurus  
*Præpos. Stoz n. 214.* Item quem scivi quidem  
necdum esse Sacerdotem, attamen per errorem  
invincibilem putavi habere potestatem absol-  
vendi, *Nav. Fagund. Præp. Hurt. Dian. Gob. n. 7.*  
*n. 785. 853. Stoz n. 217. contra Toles. Suar.*  
*Vasq. Laym. Lugo, Dicast. Aversam s. 3. Gorm. n.*  
*384.* Item qui audivit à Confessario ebrius  
somniaute, fatuo peccatum pœnitentis, *Aversam*  
*s. 5. Stoz n. 262.* Et quoad omnia ista confes-  
sionem *Gormaz n. 391.* Quòd si quis non possit man-  
tere peccata, nisi alius audiat, hic alius tene-  
atur, *Fag. Cón. Laym. Tamb. Stoz n. 218. contra*  
*Sor. & alios.* Si quis autem sponte ad majorem  
confusionem publicè sit confessus Confessario  
simulque aliis, *Cón. & Castrop.* dicunt solum  
Confessarium teneri ad sigillum, *Stoz* putat te-  
neri etiam alios, si ita velit pœnitens, cum sit  
unica confessio, sed si non restringat magis ad  
Confessarium quàm ad alios, ipso facto cen-  
setur dare licentiam loquendi & Confessario &  
aliis, cum eadem locutio sit & confessio & ab-  
solutio

manifestatio peccati, & si velit esse publicam respectu aliorum, non est ratio dicendi, quod velit esse occultam respectu Confessarii, *Lugo d. 23. n. 39. Aversa l. 5.*

§. 3. Qui legit schedam, cui peccata in ordine ad confessionem inscripta erant, secundum *Castrop. Aversa l. 5. Illf. n. 263.* aliosque multos, ad quos inclinatur *Busenb.* non tenetur sigillo, quia obligatio sigilli nascitur ex actuali confessione, scriptio autem illa non est actualis confessio, nec signum, quo pœnitens peccata manifestat Confessario. sed tantum fit, ut pœnitens sibi ea manifestet & memoriam retineat. Limitant *Laym. & Lugo*, nisi pœnitens schedam tradidisset Confessario, qui perdidisset, esset enim idem, ac si audisset confitentem. E contra talem, qui schedam legit, absolute teneri sigillo, docent præter citatos à *Busenb. Nav. Graff. Vega, Dian. Gorm. n. 403.* ad quos inclinatur *Tamb.* quia talis scriptio fit propter confessionem, & re ipsa videtur esse inchoata confessio: Et saltem fatentur omnes, si pœnitens mutus per schedam fuisset confessus, peccata in illa scripta fore materiam sigilli: Hinc talis, qui legisset, Item Superior, interpretes & alii, de quibus dictum est à n. 1951. nec cum Confessario nec cum pœnitente ipso postea possent iterum loqui de peccatis sic cognitis, uti rectè *Aversa l. 6.* qui rectè norat idem esse de duobus Confessariis, quibus pœnitens eadem peccata esset confessus.

§. 4. Sacerdos postea rescians se non habuisse potestatem absolvendi, aut se antea non fuisse Sacerdotem imò nec baptizatum, tenetur sigillo, confessio enim hoc ipso fuit sacramentalis,

Hhhh 3

lis,

lis, quod facta sit animo se accusandi illi, quem putabat esse Sacerdotem vel habere potestatem, *Lugo, Dian. Gob. in Exp. t. 2. n. 440.*

1955. §. 5. Pœnitens ipse non ita tenetur sigillo, quin Confessario dare possit licentiam illud revelandi, etiamsi de hoc non loquatur extra confessionem, *S. Bonav. Rich. Palud. Silv. Nav. Suar. Vasq. Lugo d. 23. n. 133. Stoz n. 183. contra Alenf. Scot. Dur. Maj. Gabr. Angel.* Ratio est, quia sicuti, quamvis sigillum epistolarum sit in bonum communitatis, ejusque obligatio sit de Jure gentium tamen quia est principaliter in favorem scribentis, hic scribens potest tollere obligationem sigilli & facere potestatem aperiendi suas litteras etiam ad tertium scriptas, ita cum obligatio sigilli sacramentalis sit in favorem pœnitentis, poterit tollere sigillum: Et licet Clericus non possit facere potestatem licite se verberandi, non est hic paritas, nam Clericus non potest facere, ut non maneat Clericus, hunc autem Ecclesia ob reverentiam statim absolute verat verberari: E contra pœnitentem potest facere, ut non maneat sigillum, quo ablato Confessarius novit peccata tanquam homo, ergo liberè potest de illis loqui.

1956. §. 6. Putarunt aliqui cum *Adr. Palud. Nav.* sicuti Confessarius tenetur ad sigillum circa peccata pœnitentis, ita teneri pœnitentem ad sigillum circa illa, quæ Confessarius ei dicit occasione peccatorum, ut sic securius dicantur, quæ meritò taceri vult Confessarius. Sed rectè contradicit communis cum *Aversa l. 5. & Rayn. in Heter. Tom. 16. f. 1. p. 8. n. 50.* dicit extra dubium esse, quod sigillum non in gratiam Confessarii sed solius pœnitentis à Christo sit institutum:

neum: attamen potest fieri, ut pœnitens peccet manifestando ea, ex quibus colligatur Confessarii indiscretio, imprudentia, nimia severitas vel laxitas, sic enim injustè infamatur ob defectum vel delictum occultum.

§. 7. Si Confessarius cum licentia dixerit Titio peccatum pœnitentis, *Vasq. Cœn. Hurt. Laym. Castrop. Aversa* f. 5. & 7. negant Titium teneri sigillo, nisi peccatum esset revelatum ob causam spectantem ad absolutionem, quia talis scientia non oritur ex confessione sed ex licentia à pœnitente data: E contra *S. Tho. & alii cum Illf. num. 263.* dicunt teneri, quia præsumi non debet, quòd pœnitens dederit licentiam, nisi ob causam, quæ respiceret absolutionem: *Stoz* probabilius dicit id pendere à voluntate pœnitentis, qui si permittat eâ uti, ac si independenter à confessione esset acquisita, non vult apud Titium esse sacramentalem vel sub sigillo; si autem velit communicari, uti ex confessione eam habet Confessarius, manet sacramentalis & sub sigillo apud quemcunque, cui sic communicatur: præsumi autem debet semper, quòd sic communicetur, nisi clarè constet de opposito, *Lugo* d. 23. n. 29. *Stoz* n. 199. Et *Dian.* retractatâ oppositâ sententiâ notat p. 5. t. 11. R. 7. & 11. in hoc casu debere à Confessario admoneri Titium, ut non aliter utatur illâ notitiâ.

Q. 290. Quid præterea notandum sit circa licentiam loquendi, quam pœnitens dare potest Confessario. *sc. seqq. §. 1.* Si pœnitens non ultro sed tantùm ad petitionem Confessarii det licentiam loquendi, communiter censeri debet data ex metu reverentiali adeoque invalidè, *Dicast.*